



孟津詩卷之十八目錄

五言絕句



瑯琊王歌

秋怨曲

洛陽春日別二首

舊縣

話別

怨曲

少林寺在少室山中七首

寇紀

東風

秋日思歸

經遊舊處

望伏牛山

鄉心

五言

目錄

目錄

一

感四寇

驛飲

問鴈

春日草橋卽事

九日同友登高時天將雨三首

哀木庵前輩

楊柳曲

有聞

送李山人

夜夢

長安

夜遊懸泉

河

有見

滄洲入燕

菊苗

秋行相州

途中旋里

憶春

晚行

聞君宜買琴

江上

揚州

力田

月

園亭柳

宜興夢

別意

擬古三首

射陽湖

營中夜見火

觀霍元鎮畫

自况

留別友人

孟津詩卷之十八

五言絕句

瑯琊王歌

王鐸

女兒十六七嬌嫩有蓮長
蓮葉趁花發早嫁瑯琊王

秋怨曲

王鐸

露溼衣裳冷星疎候鴈過
幾回欲就寢不寐夜如何

洛陽春日別

王鑰

送君洛水邊西去到秦川
惟願馬蹄疾歸來在
鴈前

其二

王鐸

曾說春前到滿園花亂開
梁山多少路不見有
人來

舊縣

王鐸

船燈識小露氣一蒙羣樹西望却無人
孤鴻傍水去

話別

王鐸

江上又相逢又從江上別
別後煙霞多耿耿江
上月

少林寺在少室山中

王鐸

少林古刹寺春曉日將斜
不見老僧到空山落
杏花

其二

王鐸

獨立山門外雲峰走碧空
長河響不住人在水
聲中

其三

王鐸

靜聽鳥鳴谷閒看雲出壑山中無人來貝花開
且落

其四

王鑰

寺從雲裏上林木雜其間潭沸龍驚水風行虎
出山

其五

王鑰

牧牛無定處只在山前後日夕不歸來老牛尋
虎鬪

其六

王鑰

虎與牛相當牛傷虎亦傷老僧打不退抱住虎
脊梁

其七

王鑰

久任原無事朝朝看野花只因春事好半載不
歸家

怨曲

王鐸

百子池邊月相將雪影中君恩或有日耐意待
春風

寇紀

王鐸

楚西落日黃處處角弓張不見封侯印空留古戰場

東風

王鐸

戍鼓行人少東風逐馬蹄還家縱有夢不在楚江西

秋日思歸

王鐸

年年不得歸南望淚沾衣何事盧溝鴈春來向北飛

經遊舊處

王鐸

十年從此去八月我重來故舊已零落門前花又開

望伏牛山

王鐸

遠望伏牛背青蒼路不分谿舂高絕處藏著六朝雲

鄉心

王鐸

獨坐方無事鄉心忽爾動偏從白日來夜冷不生夢

感西寇

王鐸

塘內無圓葉樹頭無靜柯可怪種稻女盡唱隴
西歌

驛飲

王鐸

古驛香燈艷客懷日日深酒紅容易改誰見少
年心

問鴈

王鐸

自從離洛汭幾日過黃河途路經辛苦秋風何
處多

春日草橋卽事

王鐸

欲歸不得去錯怨杏花紅始知橋上路暗與洛
陽通

九日同友登高時天將雨

王鐸

三年眼不開九日上高臺水自平沙斷天從曠
野來

其二

王鐸

密雲終不雨城外遊人稀天被雲遮滿鴈從何
處飛

其三

王鐸

只是不歸去秋來枉斷腸一直城邊路南行到
洛陽

哀木庵前輩

王鐸

遯園千萬樹但見野雲生寒食心燃火兼聞布
穀聲

楊柳曲

王鐸

楊柳着秋色秋風孃孃聲用心相勸女休入旅
人情

有聞

王鐸

木葉初辭幹寒蟲入戶吟故園七百里何用夜
聞砧

送李山人

王鐸

前歲君別我今年我送君秋溪馬渡水斜日鴈
飛雲

夜夢

王鐸

天遠思悠悠黃河水不流還家一夜夢錯到秦
安州

長安

王鐸

五津詩 卷之十八 九
曾任十三載重來又五年長安無限好只是缺
金錢

夜遊懸泉

王鐸

重巖飛懸瀑百丈如雷鳴夜到幽深處月明照
水聲

河

王鐸

世事復誰問河流日日深賴茲東去水猶見入
秋心

有見

王鐸

秋葉爲誰鳴林間生白曉坐來月路生遠煙自
深宵

滄洲入燕

王鐸

舊藏錕鋸劔藏之亦可羞君看天下事觴豆是
何讐

菊苗

王鐸

菊苗多仁義春來向我生幸無戰陣色努力結
秋英

秋行相州

王鐸

田荒燒野日乾鐵叫老蟲行人不到處一夜起
寒風

途中旋里

王鑰

殘燒飛黃鳥斷雲落白山旆旌千里外舊路幾
人還

憶春

王鑰

寒盡歸雙眼天涯滯一身東風私故柳不放野
花春

晚行

王鑰

風吹沙面白霜積馬蹄寒遙見洛陽月低頭不
敢看

聞君宣買琴

王鑰

遠懷何所寄道器相與旋無限龜山意藏在七
條絃

江上

王鑰

昔自江上渡今從江上還客心潮水似忽過天
門山

揚州

王鑰

玉樹曲猶在茱萸彎自愁至今水市火亦似苑
螢秋

力田

王鑰

熟田用力少荒田用力多草深秋未實先除豆
根莎

月

王鑰

纍纍秋夜心團團月中樹風隨樹東西心與月
來去

園亭柳

王鑰

不倚風前柳多情常向人庚辰三月樹癸未二
年春

宜興夢

王鐸

細霧滿沙頭舟中已倦遊清波與旅夢一夜過
徐州

別意

王鐸

家在河南住河南多水樹秋風吹紅葉落向河
中去

擬古

王鑰

秦法多酷虐事事不師古空築萬里城中原鬼
辛苦

其二

王鑰

學劍得乘馬學古出無車將欲從時好教兒休
讀書

其三

王鑰

墻頭亦有杏階前亦有草桃花嫁東風張羅蝴
蝶老

射陽湖

王鑰

秋水艷紅蓮秋風夜夜灑不見六騶來時逢捕
魚者

營中夜見火

王鑰

大雪滿荒野怪禽三五鳴左山夜火起昏黑誰
家營

觀霍元鎮畫

王鑰

一林復一林古水無朝莫略記似潭頭却忘入
山路

自况

王鑰

孟津詩 卷之十九
李泌辭榮去住在深谷中輕將好富貴只換一
山風

留別友人

王鑰

家居漢江口門繞漢江峰秋日閒垂釣驚起漢
江龍

孟津詩卷之十九目錄

七言絕句

刺秋風

山望

夢五弟

夷門舊院櫻桃

答劉石生秦中寄書二首

許由隱處

江南詞

江中

約陳子明仲春北渡

塞上曲四首

順颿

寄吳興孝若

館陶

晚雨

思六橋龍井友

送龔扶萬之官滇南二首

聞鐘

不得與行場遊西山

九日同梁曰緝張正甫登南樓

送袁杜少南歸

恨病二首

西湖之西二首

獨夜懷趙錦帆

從軍行

玉鈎斜二首

尋花

長安雨夜

借淚

報國寺書僧舍

秋日示友人

東隣聞笛

康熙二年秦中貢黃鸚鵡

用意

龍岡寺聽彈琴

夾馬營

春詞二首

自金陵之淞東

送友人之白下三首

擬宮詞

舊縣河神廟遠望

席間聞破城逃出梨園歌

吩咐

春日登報恩寺塔

秋日吳門送友歸楚三首

欲卧

不一般

北極古廟

詠西壁泉

悲洛陽故城二首

憶友人支道士

空谷

欲種瓜蔓

摘南峰紅花

送友感懷

嵩陽宮訪馬道士

遊龍山

北固

太陽

命畫者作畫

勸賈誼

哭傅餘不餘不諱而師穎上人也生而溺

於詩書嗜古博學曠世奇才少年卽以孝

聞屢困公車感憤憂思鬱鬱而終時在辛

丑閏七月也余情關樂衛悲慟不忍擗管

偶於癸卯嘉平月長安旅舍漏下二鼓作

此哭之

毛延壽

偶過閒園

尋山人深隱處

月東行

江南思歸

迎神曲

送友之楚

休說

清明

采菱曲

望鄉

癸卯秋寄內三首

明妃曲

送兩玄入延綏歸寧波

闡丁公

擬曹唐遊仙詩三首

湖口渡九江至團風鎮舟中漫興

太穉稱予詩望予奢不禁黯懷

閨思

寄湖南故人

秋日雨後

老兵

七里灘

城外看菊

憶嵩陽馬羽士

鴻溝

留別栗陽城

經蘧伯玉里多水陂

憶少林

懷鄉

夏日玉調招至都城外王生園

往會亭

鄉社

秋日送歸百原返平江

欲歸江南

洛陽故宮

春日花下

望洞庭

訪夷山

問孟惠舊址

風中秋鴈

江上古寺

題盧生處

趙州

白溝河

思鄺山

春日過長兄舊居

又有秋

樂城道

四弟畫

春日古林庵過吉祥寺

夢覺斯長兄

秋鴈來

秋夜虎丘聞歌

擬黃滔馬嵬二首

東李庚生治睦州

燕子磯聞笛

百泉

榭樹

孟津詩卷之十九

七言絕句

刺秋風

王鐸

有客揚帆解纜行
石尤微幸到江城
宋家葛嶺
今回首誰道秋風不世情

山望

王鐸

蕭蕭客路渾無事
山色松聲上鬢鬟
雲物多心生嫉妒
十分遮去九分山

夢五弟

王鐸

覺後天明不欲哀弟兄言笑且徘徊筭來人世
皆成夢難得相逢又一回

答劉石生秦中寄書

王鑰

紺園竹裏鐙花紅別後蕭蕭葦葉風鴻鴈驚秋
飛不正書來人在月明中

其二

王鑰

秋冷霜殘悵索居故人何處曳長裾離騷先我
思公子頻看西周袖裏書

夷門舊院櫻桃

王鑰

夷門客散日初斜茅舍空庭一兩家院裏櫻桃
思故老至今春暖不開花

許由隱處

王鑰

鶴影孤飛去不還原非有意傲人間我來還有
浮雲在老木蒼蒼月滿山

江南詞

王鑰

松樹陰陰天未晴春花春水忽然生落花片片
催人去知是松風是水聲

江中

王鑰

春風何故惹人愁
盡日天邊江水流
日莫片帆安所泊
衆山送我過瓜洲

約陳子明仲春北渡

王鑑

高天旅鴈斷行孤
江上桃花半有無
料得故人三月後
春帆飛過射陽湖

塞上曲

王鑑

塞寒風緊角端啼
日落沙深路已迷
一夜冰開河水漲
連營札在白狼西

其二

王鑑

鴛鴦湖在海西頭
夜火狼煙起戍樓
人卧沙場幾萬里
朔風吹下黑山秋

其三

王鑑

雪凍雲埋路未經
烏蘭新戰血痕腥
春深牧馬蓬根斷
大夏河邊草不青

其四

王鑑

虎騎鐵衣十萬多
銜枚雪裏渡洮河
縱然奪得姑臧地
祇好行營牧駱駝

順颿

王鐸

船從京口野薈開江裏孤帆風浪催還欲重留
浮玉上忽然飛到廣陵來

寄吳興孝若

王鐸

高雲漠漠遠天迷別後秋風夢雪溪鐵笛一聲
江水綠教人惆悵月明西

館陶

王鐸

西風吹鴈過高丘木葉蕭蕭雨未休萬里孤身
猶作客毛州今日又逢秋

晚雨

王鐸

解組何時到白波桃花綠酒聽樵歌黃昏睡去
休再醒秋雨西風入夜多

送龔扶萬之官滇南

王鐸

楚客南行過鐵溪夢花開在翠山西月明船泊
鱣江口樹上猩猩隔岸啼

其二

王鐸

銅鼓山南是馬鞍白虹橋下水漫漫
猺人女子玉穿耳騎着象來接漢官

馬鞍山名

思六橋龍井友

王鐸

與君別後事模糊學畫黃荃蚱蜢圖天日流雲
飛不了教人惆悵滿西湖

不得與行場遊西山

王鐸

山接青天幾萬重渾河石齒路難通不知君去
逢新雨流出溪花多少紅

九日同梁曰緝張正甫登南樓

王鐸

登高九日上高樓野蔓黃花伴客愁南望鄉關
何處是鴈聲遠帶洛陽秋

聞鐘

王鐸

白露寒風秋幾重西來獨對遠山峰旅人最是
閒中苦怕聽蓮花寺裏鐘

送袁杜少南歸

王鐸

金臺南望動離情一夜思君過固城有夢不嫌
漳水濶青山雲外是東明

杜少家
在東明

恨病

王鐸

繩牀枯木夢難成白曉倏然雨乍晴聞到城西
調健馬臂鷹挾箭過昌平

其二

金魚池上笙歌沸燕子低飛近復斜
野牧村農還似舊畦邊又綻米囊花

王鐸

西湖之西

王鐸

岳祠西去山蹊斜翠管吹開紫玉花
日夕老鴉啼古塚人愁雨黑鬼思家

其二

王鐸

攀緣古井山光動氣冷白龍轡不韉
茶外懶飛天目雲紅香化入春閨夢

獨夜懷趙錦帆

王鐸

懷人獨坐旅魂驚誤聽秋風作雨聲
數載相思無去鴈月明九月到京城

從軍行

王鐸

陰風動地月如霜千里郎江作戰場
大將龍旂開五色前軍十月到襄陽

玉鈎斜

王鐸

雷塘春水漾晴沙楊柳堤邊落杏花
最是撩人三月景春光先到玉鈎斜

其二

王鑰

草短煙飛樹影斜
邗溝枯柳晚啼鴉
路旁盡是閒丘壠
香夢遊魂醉野花

尋花

王鑰

山中舊日有青鞋
栗杖尋花山後開
不比偷春城市裏
隔牆先過一枝來

長安雨夜

王鑰

竹路花龕在故林
夜深聽雨動前心
忽然假寐遊行處
錯認風音是水音

借淚

王鑰

獨向江洲采杜蘅
六朝遺事古人情
欲將一掬英雄淚
借與紅龍作雨聲

報國寺書僧舍

王鑰

窄地青松龍尾顛
乾坤噴薄有餘煙
老僧閒引看碑石
肩屨還鐫景泰年

秋日示友人

王鑰

仲秋把酒月中分
却怪逢君又送君
忽聽寒聲高處響
夜來鴻鴈過南雲

東隣聞笛

王鑰

風寒霜重夜如何
短笛忽從月裏過
水調翻成新樂府
三更誰唱竹枝歌

康熙二年秦中貢黃鸚鵡

王鑰

搏羽凌雲蕩碧空
籠來遙獻太清宮
作禽荒戒放入長林
秋草中

用意

王鑰

榭樹攣如此我長攀
依蘸得一身香孰知
皆爲夢用意朝朝刷
土肪

龍岡寺聽彈琴

王鐸

絃上涼颼起石林
聲聲截斷市朝心
悠然意况飛何處
月滿瀟湘秋水深

夾馬營

王鐸

夾馬營西古殿荒
空宮流水有餘香
數行南鴈一簾月
軋櫓聲聲過故鄉

春詞

王鑰

昨朝夜裏一城風
吹落胭脂滿樹紅
可怪桃花不省事
春來開在小窓東

其二

最是桃花不耐春飛來片片落紅塵黃鶯故意
枝頭叫多鶯蟲蟻不怕人

王鑰

自金陵之浙東

王鑰

三月桃花夾岸紅金陵南下是江東海豚吹浪
波千頃日落人搖水上風

送友人之白下

王鑰

白下須從江裏過鳳凰臺上月婆娑清明休出
城邊去聚寶門南風雨多

其二

王鑰

含章宮殿已成灰溪水滌流去不回桃葉渡頭
舊時月三更猶自過河來

其三

王鑰

水西門外莫愁湖湖上芙蓉已盡枯惟有鐘山
靈谷寺舊時松栢未全無

擬宮詞

王鑰

朱戶深沉聞候蟲秋光無主晝濛濛何難便見
君王面伏枕依然在夢中

席間聞破城逃出梨園歌

王鐸

面帶刀痕一病夫當年曾是霍家奴筵前今夕
重相見淚落春風唱鷓鴣

舊縣河神廟遠望

王鐸

黃河身負古今愁蓼葉蘆花減半秋怕見頻年
兵革事滔滔東去不回頭

吩咐

王鐸

花滿枝頭水滿津桃花溪水別成春用心吩咐
桃花水不可出山撞著人

春日登報恩寺塔

王鐸

寺中兵後遊人稀偶上丹梯入翠微琉璃堆起
塔千丈截住行雲不得飛

秋日吳門送友歸楚

王鐸

秋後霜寒鴈影稀又從九月見人歸江邊不忍
同分手怕見孤帆逐水飛

其二

王鐸

楚江湘水半入吳子胥城邊叫鷓鴣我夢逢君
秋色裏錦帆月落洞庭湖

其三

王鑰

君行定過章華臺臺上蕭條伴草萊白日斜看
雲夢裏一聲秋鴈斷行來

欲臥

王鑰

火滅山高未可行白雲觸石夜還明中宵欲臥
不成寐何處飛來老鴈聲

不一般

王鑰

葛屨牛簑晝不閒有時濯足在花間一般也是
懸崖水此處聽來不一般

北極古廟

王鑰

蒼蒼靈蹟剝金沙依稀前朝見怪蛇正欲一
柸酬往古鐵崖日莫落秋花

詠西壁泉

王鑰

山樹蒙茸草作庭曉風不去慰飄零泉鳴更在
崖深處除卻閒人不得聽

悲洛陽故城

王鑰

舊內門東春日斜屢遭兵火少人家故鄉十載
今纔到亂草荒城開野花

其二

王鑰

國亡家破感離憂
燕傍人飛亦解愁
城郭高下不知處
昔年洛水今還流

憶友人支道士

王鑰

雪夜常同虎出關
十年西去不曾還
栽花煉藥今何處
想在秦中太乙山

空谷

王鑰

石牀恰喜趁閒身
曲磴深盤春復春
空谷之中音響絕
不知山犬吠何人

欲種瓜蔓

王鑰

山左風高細路平
蔓菁瓜瓠自能生
爲齋宜遠不宜近
秋夜寒蟲有怨聲

摘南峰紅花

王鑰

數里行行大放眉
此生何事舍靈龜
無名花朵能張主
滿面風來不受吹

送友感懷

王鑰

落葉蕭蕭動別情
刺船漁父唱歌聲
年華俱向客中盡
河上秋風又送行

嵩陽宮訪馬道士

王鑰

昨朝雲起嵩陽宮雲裏尋人路不通羽士茅庵
何處是春花一夜滿山紅

遊龍山

王鑰

閒從龍山山上遊洞龍瘠瘦老如牛牧龍童子
使鞭打行雨千年龍白頭

北固

王鑰

江上龍宮半寂寥秋山無事草蕭蕭雲深老鶴
飛來遠撞破鐘聲落晚潮

太陽

王鑰

深沉夏木憐莓苔長柄葫蘆作酒材自是太陽
多瑣碎蟲聲鴈影送秋來

命畫者作畫

王鑰

青山耕稼自爲羣好士何人尚未聞笑殺馮驩
還鄭重不妨權畫孟嘗君

勸賈誼

王鑰

曾從班內金華講不及丘中嶧木琴倘若同時
逢賈子勸他收起慟哭心

哭傳餘不餘不諱而師穎上人也生而溺
於詩書嗜古博學曠世奇才少年卽以孝
聞屢困公車感憤憂思鬱鬱而終時在辛
丑閏七月也余情關樂衛悲慟不忍擗管
偶於癸卯嘉平月長安旅舍漏下二鼓作
此哭之

王鑰

霜鬢婆娑似短蓬不堪情損思悲翁空將別後
千行淚灑向白楊起夜風

其二

王鑰

絮酒寒杯澆野花舉頭見日日將斜滿山盡是
黃蒿草枯樹荒墳叫老鴉

其三

王鑰

枕煙辭賦已流傳十五登科最少年偏是名花
不耐雨玉蘭折在曉春天

詩集名
枕煙亭

其四

王鑰

三年怕遇嵩山春千里歸來淚滿巾我到少林
空好月寺中不見讀書人

其五

王鑰

五十四頭白我將老傷心不過轅轅道清明兒女
上新墳化作紙錢燒青草

其六

王鐸

野樹寒雲落日微一山木葉滿城飛那堪冷淚
埋秋眼滴向西風濕我衣

毛延壽

王鐸

憑將豔色傾人國着意丹青有所爲禍水旣除
還上賞宮中省得妬蛾眉

偶過閒園

王鐸

寂歷荒園不見春蝸墻四壁落輕塵如何桐子
齋前月留着清暉照別人

尋山人深隱處

王鐸

水靜雲涼杖古藤異花斑駁發蒼稜匡牀已在
高天外更入高天又幾層

月東行

王鐸

走月流天只向西入心歲序有猿啼幾時忽轉
東溟落倒數紅花是此谿

江南思歸

王鐸

五言詩 卷之十九
杜鵑花落棗花新
數載飄零滯一身
西望洛陽常不返
春風閒殺渡江人

迎神曲

王鑰

鄉社迎神日
欲斜龍王廟裏起
神鴉歌賽女郎
垂手舞三更
打鼓唱琵琶

送友之楚

王鑰

河上送君入楚邦
沙鷗驚起不成雙
前途應是黃牛驛
斜日寒風渡漢江

休說

王鑰

鶉鳥三聲落枕邊
始知身在萬山巔
乾坤容我添皤鬢
休說離家又五年

清明

王鑰

東風何事亦無情
不爲荒涼駐晚英
今日梨花春又落
去年開處是清明

采菱曲

王鑰

新塘雨洗菱初肥
擊汰凌波半溼衣
笑入深溪渾不見
忽然驚起鷺鷥飛

望鄉

王鑰

客裏思鄉又幾年高臺獨上轉淒然洛陽遙望
知何處秋鴈寒雲共一天

癸卯秋寄內

王鑰

秋雲吹入洛陽天人望秋雲不得還只爲居官
無可奈相逢想是在明年

其二

王鑰

我已數年不到家官差雜賦亂如麻但遇愁來
須自遣閒澆庭上海棠花

其三

王鑰

河南幾次寄書來欲要開時不敢開報道平安
無別事春風吹落故園梅

明妃曲

王鐸

漢家十萬擁天兵上策和戎命妾行縱使從今
常歎塞那堪女子作長城

送兩玄入延綏歸寧波

王鐸

秦山東接太行山山外黃河天際還綠樹綠雲
看不盡鴈聲飛過玉門關

擬曹唐遊仙詩

王鑰

閒跨紅龍入太虛龍角倒挂藥珠書十道金光
截白日玉童趕着麒麟車

其二

王鑰

王母乘鸞御闈風三千侍從赴瓊宮鳳凰秋翅
皆嫌軟妣女爭騎白耳龍

其三

王鑰

皓首長眉下太虛金鞭鞭日倒騎驢盧敖同往
蓬萊去青鳳先傳東海書

湖口渡九江至團風鎮舟中漫興

王鐸

武夷青翠帶征衣吹徹鐵龍樹葉稀卻向梅川
看遠嶠白雲不盡楚天飛

大穉稱予詩望予奢不禁黯懷

王鐸

離離龍眼出高丘南望江山夏復秋懷古思君
雙淚落今朝合在一行流

闡丁公

王鐸

玄黃鬪戰勢錚錚翻爲存劉誤此生解道丁公

懷二念可憐不二是韓彭

閨思

王鑰

春染花枝壓樹紅
流鶯飛過粉墻東
閒來不管深閨事
亂攪離思雜曉風

寄湖南故人

王鑰

草短霜殘木葉稀
年年江上少人歸
思君空憶潯陽渡
秋水連雲鴈北飛

秋日雨後

王鑰

閒從雨後看晴雯
帶水霑泥路不分
日落滄江

斜照影兩行秋鴈入高雲

老兵

王鑰

三十年前紫塞垣
眉長鬢短眼珠昏
淚垂只說功名誤
怕教兒孫過鴈門

七里灘

王鑰

七里灘下水波動
七里山上雲相送
客星照水山悠悠
老鶴一聲入客夢

城外看菊

王鑰

旅人閒過古城東
九月吹來水上風
獨坐籬邊

空浩歎故鄉開在菊花中

憶嵩陽馬羽士

王鑰

忽傳道士向天東八月人騎過海風待得歸來
黃鶴老白雲留在嵩陽宮

鴻溝在滎陽河陰

王鑰

夷門西去佩吳鈞廣武城邊野水流往事消沉
何處問斷煙疎柳過鴻溝

經蘧伯玉里多水陂

王鑰

古瓦古丘空綠水水塘清清見其底衛之君子

幾千年池上芙蓉都香死

留別栗陽城

王鑰

金臺春暖悵離羣野樹連溪滿路雲燕子欲來
君欲去嵩山何處再逢君

憶少林

王鑰

竹籬殘破是吾家曲曲山城傍水斜聞說少林
春夜雨曉來開遍玉蘭花少林寺玉蘭大尺許

懷鄉

王鑰

春樹家中葉不齊薔薇開在杏花西鶯聲慣會

催人去故向高高枝上啼

夏日玉調招至都城外王生園

王鐸

松下峰巒石竇熒當門菜竹晚青青犬聲隔水
嫌人到池上兒童讀孝經

往會亭

王鐸

籬落蕭條野屋貧荒涼冷日起風塵如何樹樹
穠花發三月城邊不見春

鄉社

王鐸

彎彎紅杏舊陵隈萬樹春花萬樹開恰是杏村
鄉社酒一雙南鴈正飛來

秋日送歸百原返平江

王鐸

櫻桃花罷菊花開鶴市橋頭雀舫回君到吳門
秋亦到金風先上姑蘇臺

欲歸江南

王鐸

日日詩囊挂敝裘七年空渡薊門秋南來也買
維揚櫂一夜西風過潤州

洛陽故宮

王鐸

芙蓉殿內草漫漫金輦無聲春已殘七寶玉繩
瓊珞斷獨留明月上欄杆

春日花下

王鐸

我愛花開滿樹紅風吹花片過墻東今年春已
隨花去還欲留春更買風

望洞庭

王鐸

洞庭春水洞庭山人望洞庭縹緲間一片客心
明月裏西風吹去幾時還

訪夷山

王鐸

弱柳含煙復含霧望而不見山已莫野花野水
何情思如此幽深山裏路

問孟惠舊址

王鐸

滿路秋蓮發野香深紅淺綠帶秋光徑行閒問
當年蹟人說蓮花是戰場

風中秋鴈

王鐸

鴈帶秋來多北風斜飛不正影朝東終日尋秋
秋不見分明秋在鴈行中

芙蓉江上古寺

王鐸

三月清明近水濱瓜洲銅鼓賽江神幽懷獨對
前朝寺滿樹桃花不是春

題盧生處

王鐸

邯鄲城外路欲迷邯鄲廟裏白雲齊晚來雲去
歸何處秋草秋花日又西

趙州

王鐸

大堤楊柳鎖東風故國煙花入夢中南去邯鄲
三百里不知那是翠華宮

白溝河

王鐸

古木蕭蕭野岸空多年血戰起陰風公然一派
西山水流到沙場便不同

思鄜山

王鐸

北邙月色照龍門亂水殘雲觸旅魂月至鄜山
人不至高崖老樹長秋痕

春日過長兄舊居

王鐸

春來故院花先老小徑黃昏風自掃柳下石牀
不見人庭前處處生青草

又有秋

王鐸

鴈邊海月水邊樓露冷芙蓉小朶愁去年葉上
秋先落不料今年又有秋

樂城道

王鐸

道路驅馳又幾回濃陰之下且徘徊無情更見
南飛鴈晚掠寒雲過水來

春日古林庵過吉祥寺

王鐸

竹逕蕭疎日已昏古梅異代尚能存重欄欲鎖
幽光任誰放香風出寺門

四弟畫

王鐸

無端引出石中淙帶雨和煙樹幾重問我山心
淺不淺古潭幽澗最高峰

夢覺斯長兄

王鐸

笛牀月下久盤桓兄弟淒淒淚不乾魂夢逢秋
生次第遠來先後到長安

秋鴈來

王鐸

鴈自北來鴈幾羣蘆花飛處白紛紛一聲嘹唳
歸何處影入長天不見雲

秋夜虎丘聞歌

王鐸

五言詩 卷之十九
秋夜高高白露生千人石上月初明分明商韻
歌成調又變金戈作水聲

擬黃滔馬嵬

王鐸

蜀道艱難不憚遊馬嵬有意斷深憂君王自是
回天力不比臙脂井內羞

其二

王鐸

南內已荒苔復碧華清雖冷樹還秋蒙塵自古
等閒事獨說驪山香水流

東李庚生治睦州

王鐸

聞君頭白已成翁旅鴈驚心耳半聾莫怪故人
白髮早桐江黃葉滿西風

燕子磯聞笛

王鐸

燕子磯前石色幽人從石上繫扁舟何處笛聲
明月裏隔江吹破漢時秋

百泉

王鐸

老竹禿杉日幾回公和臺在古山隈斜鋪長鏡
三千頃可看龍來看雨來

榭樹

王鐸

每逢客裏過秋林秋色偏逢柵樹深不是秋林
不耐老故將紅葉改鄉心

續孟津詩目錄

五言律

秋日奉懷吳中兵憲比部兩叔父六首

春日卽事

夏日少林山居二首

憶去秋同八弟登岱嶽因語弟二首

秋夜有感

喜晤劍叟

行至溫縣憶家

不寐

秋日遊龍潭寺

送五溪歸越二首

黃子扶其兩尊人柩歸葬却贈

送友入燕

邯鄲早發

思靜

鄉水

秋行

月夜旅行

夜雨

秋病

七言律

秋日送蒼恒之上谷

長千秋興

過潼關

函谷早發

九日湖上

甲申先文安公書飛巖驚幃四字于金山

寺壁戊戌摹勒上石恭紀五十六字

城南小園先文安公所構別業也昔為予

讀書地每一經遊不勝感歎

家君校試兗州諸生賦得秋色老梧桐

華州旅夜聞鳥

函谷關聞南信

贈劔叟

喜六弟自家至

咸陽弔古

己亥秋下第

鳳凰臺

王師

秋山晚行

棲霞

秋月送家 嚴入都至河干

渡京口 春日感洛陽故宮

重鐫 先文安公擬山園集告成

雀臺懷古 春日懷嵩陽傳餘不

元日雪後謁嶽廟 秋日郊望

江夜 龍門山洞讀書感懷

思海外三山因誌所好

七言絕句

問桂 代天侯三首

九日二首 語天侯二首

山村卽事 金陵懷古

遼后樓 九日青州卽事

鶴二首 代趙年兄閨人作

代答閨人 題畫上二麗人二首

次吳六益贈文卿校書韻五首

次清風鎮壁上女子韻

續孟津詩

五言律

秋日奉懷吳中兵憲比部兩叔父

王無咎

野艇分雲去間關次水行人踪
逃海氣鴈影落潮聲片月何方下
鄉心此夜明江南草木變
依徙不勝情

其二

王無咎

一官鷗鳥似三月去津城
來往春心損低回夏

草生習猿通物理學馬悟人情坎塲非關外深
山吾欲耕

其三

王無咎

江水流孤夢魚昏落靜音蘧蘧疎影暗脈脈旅
情深事業丹梅誤勳名白髮侵鄉關那可望海
嶠一沉吟

其四

王無咎

聽水疑潮信緘書付釣舟天高一鳥下木落萬
山秋怪石藏妖魅蒼煙亂古丘茫茫江上者浩

蕩爲誰謀

其五

王無咎

不解泥蟠事今看鸞鷲身妖蛇纏地軸腥雨過
江濬天氣偏多蠱蠻花不是春艱危還自問無
淚叩蒼旻

其六

王無咎

回首支硎處雲橫石路迷關關多繡鳥淅淅見
靈犀櫟社雲巢占漁師菰葉棲麟洲前有約未
定太湖西

夏日少林山居

王無忝

戊戌六之月尋幽入少林
野花隨遠意夜雨定禪心
室靜溪聲轉雲虛月色深
空青青不了杳杳傍高岑

其二

王無忝

寺破山僧少人來夏澗幽
金輪沉碧瓦鐵鳳響靈湫
月亂螢流白風高樹欲秋
入林逢惠遠飛錫好同遊

春日卽事

王無忝

旭日真多事舊池長綠蘋
物全神鬼盛氣至雨雷新
細草延平野高鶯叫早春
携壺遠郊外斟酌與何人

憶去秋同八弟登岱嶽因語弟

王無忝

去秋秋八月與爾有山緣
放眼開齊域撥雲入魯天
峰從脚下落日向杖頭懸
壁上多書篆模糊不記年

其二

王無忝

依杖望皇州風迴雲倒流山藏冬夏雪草雜古
今秋紅葉糊霜樹青鞋挂斗牛浮名如可避世
外共悠悠

秋夜有感

王無忝

涼風動此夕物序依時休圓月鳴弓駟長河入
地喉螢流戍壘白鬼聽墓門秋惆悵功名事誰
封萬里侯

喜晤劍叟

王無咎

舊日桃源令今爲白下僧殘燈搖破壁拄杖挂

枯藤滄海何多故靈山見未曾冥鴻雙翮健矯
矯入雲翻

行至溫縣憶家

王無咎

恰恰平津近山園到夜心冰潭留鼠跡石路踏
花陰蘼草蒼茫白寒煙隱約深因思嬴氏火三
歎罷登臨

不寐

王無忝

爲心心不寐愁與夜爭長鐘逐宵風尾月盈遊
子牀秋聲端有故世事正難忘拔劍聞鷄舞星

文散落光

秋日遊龍潭寺

王無咎

習靜尋山寺息心戒浪遊雲藏嵩嶽樹水動蓼
花洲聽呪來龍母鳴鐘驚野鷗佛奴好相伴往
還入素秋

送五溪歸越

王無咎

天地吾徒在分飛一葉還殘陽明野水遠路亂
秋山禹穴丹楓老曹江白鷺閒勿言歸計晚今
日少鄉關

其二

王無咎

歲月干戈裏霜華老客星夢從今夜遠月向故
人明秋夜梅梁雨人煙瓜步城臨岐翻不語江
水是何情

黃子扶其兩尊人柩歸葬却贈

王無咎

江國金戈後郊原涕淚餘幾人能負土兩世識
崇墟玄隧石門迥蒼煙古木疎盛朝多載筆青
史意何如

送友人入燕
每悵離羣事君今又入燕西風匹馬外落日古
城邊近北應多鴈買春不費錢長安花正好日
日共誰看

邯鄲早發

王無忝

匹馬邯鄲道晨光下野塘無然悲世路忽爾遇
黃梁官柳屯沙堰殘書挂客囊十年苦未達恥
對舊驢驢

思靜

王無逸

結隣離市井假寐亦常清荒地花仍發石梁夢
可成潛龍遊遯澤夜鬼入孤城蹶躄終何事曦
輪日日生

鄉水

王無逸

一派故鄉水東歸未有涯依然流不住幾日過
山家龍甲千峰樹鷄冠半畝花野舟輕汎汎隨
處看桑麻

秋行

王無荒

秋風入曉天一路盡荒田鷗趁平橋外馬行亂

水邊早鐘出古寺晨鳥下寒煙却被功名誤往
來又幾年

月夜旅行

王無荒

月色羣爲白明明夜不分荒村團潦水老馬下
高雲岐路悲遊子閒眠感 聖君壯心何日遂
回首淚紛紛

夜雨

王無回

夜雨因何至偏來葉上聲蛟龍豈得已魑魅未
分明捫舌安吾志澄心檢道情所事關天意卽

此見虛盈

秋病

王無回

病來久不痊偏值仲秋天看菊思陶令攤書累
伏虔骨輕憐物損霜重伴愁眠且就東籬卧從
容倚杖還

七言律

秋日送蒼恒之上谷

王無咎

薊門已覺難爲客十月驪歌君又行寂寞芙蓉
分道路蕭疎風雨到秋城大坏長蕩猶思母博

野祁州未偃兵三輔重關還自愛寒江落水已
無聲

長干秋興

王無咎

偶辭鞅掌一閒行南郭淒涼今古情萬里孤鴻
來暮色千山落木下秋聲方公墓畔牛羊過石
子岡邊虎豹橫欲向招提聞鼓角蕭蕭戍火隔
巖城

過潼關

王無咎

關門之上古城樓弔古當年淚欲流山導黃河

分豫野人隨白月到秦州華陰廟裏風吹樹灞
水橋邊鴈叫秋遙望三峰最高處欲同毛女掃
丹丘

函谷早發

王無咎

匹馬蕭條近古蹊寒煙漠漠草淒淒樹當野霧
埋人眼路過盤山遇虎蹄三晉流雲連冀北五
陵賓鴈下關西強秦霸業今何在悵望長安白
日低

九日湖上

王無咎

滿地黃花不是秋東籬散盡一年愁家山曾被
塵纓遮官吏還爲野興留牛馬踏殘荒草寺鷓
鴒啼近夕陽樓西湖晚艇無人擢一片空明水
自流

甲申先文安公書飛巖驚幃四字于金山
寺壁戊戌摹勒上石恭紀五十六字

王無咎

大江墨浪漾驚鴻四壁靈光接混濛古廟昔年
屯兜甲磨崖今日換鸞籠豐碑曾篆响嘯處寶

藏重翻海嶽雄自是先臣憂國淚金山帶血灑
蒼穹

城南小園先文安公所構別業也昔爲予
讀書地每一經遊不勝感歎 王無咎

一望金陵萬事非千重古木尚依依馬蹄舊識
烏衣巷雉堞平分赤石磯曲逕有橋通積水荒
苔無地駐斜暉只今閒咏瓜藤下猶記囊詩待
父歸

家君校試兗州諸生賦得秋色老梧桐

王無忝

西風昨夜過山家舊苑梧桐傍晚遮天地有情
垂老葉枝柯無恙帶殘霞禽聲已共蛩聲變鴈
影常隨樹影斜莫對秋光傷物候明春依舊有
晴花

華州旅夜聞鳥

王無忝

詩成茆店已三更往事入心感夜情笛裏誰吹
楊柳曲秦中我聽杜鵑聲擬山園內花初發紅
藥壇邊月再明寄語嵩陽緱嶺客好騎白鶴待

王生

函谷關聞南信

王無忝

函關西去是秦州去去山程路未休烽燧偶傳
雲夢信鴈聲頻叫洛陽秋半生冷淚添愁眼一
片荒原過古溝入世無才堪自笑狂歌撥斷玉
筓篲

贈劍叟

并序

王無忝

叟昔爲桃源令先母太夫人從先文安
公北行歿于其地叟爲具狸首酬以金

不受國變爲僧丁酉訪予金陵追感昔
誼故有此贈

幾時解組向空門刻草拈花且勿論似海已超
三劫苦如山難報十年恩石橋眠月依孤寺竹
杖挑雲過遠村今日相逢婁斷處兩人回首是
桃源

喜六弟自家至

王無咎

軍糈南北苦紛紜駒隙堂中數鴈羣遠客恰逢
南菊酒征裘猶帶北邙雲先人墓上誰重掃諸

弟行中孰好文今日豫占烏鵲喜階前穉子亦
慇懃

咸陽弔古

王無忝

秦碑漢峙列郊原野樹平煙護短垣石馬嘶風
埋玉露牧童逐雨拾金鴛天寒草斷城邊路夜
靜人招月下魂不勝低徊思往事祇留戍壘滿
荒村

己亥秋下第

王無忝

屢上公車志未酬歸來猶是黑貂裘酸風茅店

清秋夜羸馬繁霜古渡頭賦就劉蕡曾下第功
成李廣不封侯三花二室青山好留得閒身處
處遊

鳳凰臺

王無咎

新梧幾簇列崇岡猶自臺名舊鳳凰誰繼青蓮
傳絕調獨餘碧草伴斜陽園陵老樹空山盡城
闕孤煙大漠荒回首長安瞻日近桑乾古渡正
蒼茫

王師

王無咎

王師赫赫動南征銅鼓山傳塞下聲莊躡開疆
橫躍馬蕭何轉餉尚憂兵中原血戰三湘苦南
徼煙銷北粵平誰使廟堂憐稼穡諸軍組甲
莫留行

秋山晚行

王無咎

着意尋秋入翠蘿丁丁伐木雜漁歌日翻鴈澤
秋波迴霜滿榭風野樹多亂後仍存新戰壘行
來獨見舊山河數年只在兵戈內事事奔波奈
若何

秋月送家 嚴入都至河干 王無忝
霜飛木落鴈行周父子分襟古渡頭帆影常懸
津口夢蘆花遠泊薊門秋西風殘月嘶寒馬野
霧荒煙冷徹裘淚眼不堪頻悵望黃河東下水
悠悠

棲霞

王無咎

疊嶂花臺紫翠封到門忽聽遠山鐘迎人紅葉
千重樹抱寺蒼巖數株松絕壁風雲趨衆壑大
江日月走中峰振衣頂上霞光滿真見茅君五

色龍

渡京口

王無咎

海風吹日作黃昏南嶺猶明夕照村孤艇白波
喧渡口亂山紅葉下江門戍樓久斷棲鳥影壁
壘空存舊石痕今古幸存雙眼在行藏隨處任
乾坤

重鐫 先文安公擬山園集告成

王無咎

千秋大業事何如拭淚閒窓把父書吐納元音

天地外推敲隻字夢魂餘五車不盡登梨棗三
篋還從辨魯魚昨夢趨庭頻莞爾鬚眉猶似在
階除

春日感洛陽故宮

王無忝

洛陽城裏遇春風細逐飛花遶故宮翡翠池連
芳草綠杜鵑血襯海棠紅當年歌舞留殘瓦此
日蕞蕤鎖莫蟲自是人隨蝴蝶去傷心獨向月
明中

春日懷嵩陽傅餘不

王無忝

邛山南望是嵩山人在嵩山第幾彎瀑水晴飛
鴻乙樹寺鐘晚過轅轅關杜鵑花誤今春夢銀
鹿書開昨日顏聞說著書深澗裏青蘿明月許
誰攀

雀臺懷古

王無逸

銅雀之臺漳水邊朝朝臺畔起寒煙珠簾深處
埋荒草錦纜斜陽挂野田昔日曾聞歌倩女只
今惟見舊山川月明不解興亡事猶放清輝照
往年

元日雪後謁嶽廟

王無逸

去歲雪從元日到今年元日雪還多
禮神嶽廟催都驥撲面嵩山失翠峨
碧殿火災當有故劫灰天意欲如何
殘碑讀罷西風起薄暮蒼涼發浩歌

秋日郊望

王無荒

正遇山晴山色幽閒來乘興漫遨遊
空城猶剩千年土野鶩羣飛一派秋
有故人疑塞翁馬無如我汎李膺
舟西風日暮頻翹首石路荒村潦

水流

江夜

王無荒

霜天漠漠水無聲水上船燈夜不明
塞鴈初隨黃葉到秋心頻向故園生
滇閩往日曾加賦吳楚今年暫罷兵
何事沙鷗驚復起月明深處是江城

龍門山洞讀書感懷

王無回

學書學劍傍山暉幾處山暉落翠微
得意班鳩鳴早樹趨時啞虎過春扉
桃花三月窺人眼龍

洞廿年響鐵衣兵後幸留煙岫在好將清夢倚
雲飛

思海外三山因誌所好

王無回

三山悵望海雲東指顧憑虛列子風想像碧桃
花簇簇遙知瓊島月濛濛木公煉日燒金鼎姪
女乘龍下蕊宮莫笑吾生無道氣琴臺夜夜喚
仙翁

七言絕句

問桂

王無忝

曾向姑蘇城外栽胡然也到異鄉來爲憐獨旅
常相伴分付秋花仔細開

代天侯

王無忝

家在婁江傍玉峰籬邊遍地長芙蓉閨中望月
不成寐聽盡山頭寺裏鐘

其二

王無忝

鐘聲昨夜到窓前月色娟娟已罔然料得有人
秋月裏想應盼殺遠行船

其三

王無忝

帆隨鴈影過江干船上人行十八灘約略歸來
九月後霜黃榆白路漫漫

九日

王無忝

異鄉九日獨登臺無那秋風送鴈來却怪故園
菊滿徑不知今歲為誰開

其二

王無忝

山城雨過亂雲流寒水酸風叫野鷗處處砧聲
催曉露一林紅葉媚深秋

語天侯

王無忝

吳門城外水悠悠花滿春山上樓明歲與君
同桂楫一帆風雨下蘇州

其二

王無忝

吳宮花草近如何響屧廊邊秋雨多忽憶當年
全勝日春山無處不笙歌

山村卽事

王無忝

山遶孤村花遶籬門前野水蕩漣漪一羣鷗鷺
飛無定斜趁秋光過劍池

金陵懷古

王無忝

鳳凰臺上起秋風，冷雨荒煙鎖故宮。
翠輦不來人影散，芙蓉猶傍御河紅。

遼后樓

王無忝

粧臺複道五雲旁，遼后樓飛金鳳凰。
一自翠華辭帝闕，土人拾得舊鳴璫。

九日青州卽事

王無忝

眼望青齊大地開，山山落木下高臺。
幾行北鴈翻南去，風捲秋雲雨後來。

鶴

王無忝

海門一度幾千旬，常伴仙翁作使臣。
今日悲鳴思舊處，開籠不定是何人。

其二

王無忝

緱嶺吹笙月滿樓，曾隨王子下丹丘。
九臯煙裏長叫一聲天地秋。

代趙年兄閨人作

王無忝

君行猶是病中身，燕市秋風作旅人。
詩酒多情君休住，桃花飛盡故園春。

代答閨人

王無忝

燕臺獻策肯遲還南苑宮袍尚未領
年少婦閒時莫上望夫山

題畫上二麗人

王無忝

含情不語插金釵連袂雙雙月下
來何心偏踏花間露惹得珍珠濕鳳鞋

其二

王無忝

玉樹亭亭伴晚風相將携手露華中
柔腸欲訴渾難說斜倚雕欄月滿空

次吳六益贈文卿較書韻

王無忝

早起新粧貼翠微花間斜倚燕初飛
頻呼侍女持金剪剪碎春雲作舞衣

其二

王無忝

蛺蝶爭香撲碎春飛來飛去傍佳人
春多少粉面胭脂尚未勻

其三

王無忝

緋桃紅杏未全開燕子流鶯日日
飛吳下風流誰得似可憐王粲亦多才

其四

杏黃衫子，記銀紅蘭麝，氤氳香氣。通
為問，而娥
謫幾日，可曾閒着廣寒宮。

其五

王無忝

春花春色滿長安，共說天香讓牡丹。
我亦洛陽詞賦客，牡丹花色許誰看。

次清風鎮壁上女子韻

王無忝

玉顏甘自喪黃沙，青塚月明便是家。
孤性不司天地老，胭脂羞殺景陽花。



